


沐 浴 法 象



道藏輯要

金液還丹印證圖詩

三

胃集十一  
川日八

沐浴詩曰

煉丹本是一年功兩月都緣要住工兔遇上元時便止鷄逢七  
月半為終旱蝗水滂因差過雨順風調為適中刑德既加宜沐  
浴傾危斷不到臨窮

修煉金液還丹本有一年之功卻遇兔鷄兩月便要住工者  
兔屬卯本是二月節氣卻於正月上元便當知止防危慮險  
也鷄屬酉本是八月節氣卻於七月中元要識持盈洗心滌  
慮也度人經謂璇璣玉衡一時停輪者此也旱蝗水滂皆因  
運用之失宜雨順風調可謂抽添之合度刑德既加宜沐浴  
者二月斗建在卯四陽二陰大壯卦也萬物至春而發生故

爲德也以其陽中有陰至是而榆莢落者德中有刑故也八月斗建在酉二陽四陰觀卦也萬物至秋而肅殺故爲刑也以其陰中有陽至是而藎麥生者刑中有德故也聖人煉丹自冬至一陽來復起火運符而遇二月八月陰陽分位之時沐浴心慮罷功守成以防危怠不至於終窮也

道藏輯要



金液還丹印證圖詩

三

胃集十一

正一天師清微弟子百暨製作

道教學術資訊網站